

元明史略

一

839
4
134

839  
4  
134

改第  
二十七號

芝山後藤先生編次  
清溪山水先生增補  
謙亭岩垣先生標記

千里必究  
不許翻刻

# 元明史略

皇都

五車樓發行

增補元明史略

叙

余往年負笈於京師也游

巖龍溪先生之門而始相

見欽若藤君時君仕于右

府郁芳藤公為大夫為人

溫藉欽尚古道每以官暇



自補元明史略

黽勉斯文。翰墨之交。日親一日。先生嘗補正曾氏十八史畧。余與君同校焉。續覽後藤氏元明史略大綱。雖可觀。而稍過刪畧。不能無憾焉。君乃始有增補之

志。而事務鞅掌。未遑握筆。及公薨。君乃致仕。而公自號清溪散人。飄然東遊。下帷江戶赤羽橋邊。講習之餘。得縱思筆研。於是補訂此編。竟克濟其志。今茲初

夏會余從我侯在于江戶。君袖此書來示余。且請弁一言。余欣然閱之。則約而不失。簡而有要。可謂詳略得其宜矣。勤素之辭藻。然交誼不可辭也。因聊記其

本末以應其需云

享和癸亥季夏

赤穗儒貞源勤撰



元明史畧序  
 古昔無經史之分  
 漢靈之出  
 其文即史  
 生家即經  
 自就  
 門之作體裁  
 叙立而經史隨  
 岐矣  
 革命之代  
 各修前史  
 宏大

元明史畧序

古昔無經史之分

漢靈之出其文即史

生家即經自就門之作體裁

叙立而經史隨岐矣革命之代

元明史畧序

曼羨坊古之業於迷津編  
 年之體蓋於此乎起焉余  
 嘗以為史猶材經於規矩操  
 觚之士或略經義若忽近史  
 斐然不立所以裁之凍水

新案之編可謂乃在社友  
 猗守中之舉其甚有意  
 於此也乎

寶曆改元年未曠月  
 水瀟彰考館編總裁

南注越克敏撰



Vertical columns of faint, ghostly text, likely bleed-through from the reverse side of the page.

一日獲明舒弘諤所著古今全史者讀之其書趙宋以前與曾氏十八史略大抵相似其體裁雖不同若其事實則大同小異至元明二史之略則曾氏之書又所未有也余嘗欲錄其元以後授讀十八史畧者使之備覽古今然舒氏之書過畧於元獨存名號歲月廼所載者不過文謝二子節義武宗贈大成順帝淫荒等若干事洪武以後稍詳然僅止於泰昌新政顧在初學猶不能無憾焉故竊取薛氏通鑑袁氏綱鑑十九史略及明史紀事明季遺聞名山藏等書於元則補其過畧者於明則校訂其同異且畧載天啟



至明。題曰元明史略。以授童蒙。求我者云。寶曆改元之冬。

後藤世鈞題

元明史略卷之二  
其先世為蒙古部長。母阿蘭果火生二子。而寡其季也。其後子孫蕃衍。各自為部。居干鳥桓之北。至也速該。吞併諸部。始強大。子鐵木真。深沈有大略。用兵如神。滅國四十。遂平西夏。定西域。

平安巖垣  
其暉校訂  
標記

增補元明史略卷之一

日本

讚岐 後藤世鈞 編次

平安 藤原正臣 增補

元


世祖皇帝。姓奇渥温氏。名忽必烈。憲宗母弟也。

其先世為蒙古部長。母阿蘭果火生二子。而寡

居。夜寢。屢有光明照其腹。又生二子。子孛端叉兒。其季也。其後子孫蕃衍。各自為部。居干鳥桓之北。

至也速該。吞併諸部。始強大。子鐵木真。深沈

有大略。用兵如神。滅國四十。遂平西夏。定西域。



用兵如神

票已曾甫元月史略卷之一 世祖 二

以宋開禧二年稱帝在位二十二年而殂廟號

易知錄秦赤鳥作秦赤鳥

太祖補也速該死子鐵木真年幼其部眾多歸

萬攻之鐵木真大戰敗之部眾因悉歸秦赤鳥

部遂微鐵木真初以乃蠻部強盛事之甚謹乃

蠻及侵掠之鐵木真乃大會屬部戰乃蠻敗諸

部悉潰鐵木真益盛強遂攻西夏平之定西域

稱帝於斡子太宗窩闊台立有寬弘之量委任

賢相耶律楚材庶民樂業時稱治平約宋滅金

國勢愈昌焉在位十三年殂楚材字晉卿遼東

金尚書右丞履之子也為元中書令及卒追封

康寧王諡文正補太宗既殂皇后乃馬真氏臨

朝稱制不立君者子定宗貴由立三年殂從弟

憲宗蒙哥立剛明雄略沈斷寡言不樂飲宴不

好侈靡善用兵南征至釣魚山而殂憲宗拖雷

之孫也補定宗既殂皇后海迷失抱太祖第四

子曲出之子失烈門聽政諸王大臣皆不服後

二年大臣共議推太宗弟拖雷之長子蒙哥立

之是為憲宗憲宗既立追尊其考拖雷為帝廟

號睿宗失烈門及諸弟心不能平憲宗因察諸

王有異同者並羈縻之取主謀者誅之政始歸

至孝以至元十六年平宋天下為一母曰莊獻

沈斷深沈善斷

注曲出一作屈出

氏補憲宗既殂世祖南征在鄂州聞阿藍荅兒

等謀立世祖弟阿里不哥乃北還至開平諸王

大臣同勸進遂即位建元中統至元

元年入都于燕八年建國號曰大元○至元十

世宗本紀卷之二

初言地祇

社稷  
為重  
君為  
輕

度宗子名  
顯年四歲  
即位改元  
德祐降元  
封瀛國公  
二王謂益  
王是衛王  
昉

六年擒宋丞相文天祥北去。天祥痛恨不食。八日猶生丞相孛羅召見。天祥長揖不屈。孛羅曰：德祐幼君非爾君耶？棄嗣而立二王，忠乎？天祥曰：德祐吾君也，不幸失國，當此之時，社稷為重。君為輕，二王之立，所以為宗廟社稷計。孛羅曰：汝立二王，做得甚事？天祥曰：國家不幸，喪於吾立君，以存宗廟，存一日則盡。臣子一日之貴人，臣事君如子事父母，父母有疾，雖甚不可為，豈有不下藥之理，盡吾心焉。不可救則天命也。今

正氣  
歌

淮南子言訓云：君子行正氣，小人行邪氣。內便於性，外合於義，循理而動，不繫於物者，正氣也。丹青疑當，作汗青以音近訛也。汗青竹簡也。

日天祥至此有死而已，何必多言？孛羅怒，命囚于獄。作正氣歌曰：天地有正氣，雜然賦流形。下則為河瀆，上則為日星。於人曰浩然，沛乎塞蒼溟。皇路當清夷，含和吐朝廷。時窮節乃見，一一垂丹青。在齊太史簡，在晉董狐筆。左傳：齊太史書崔杼弑君，其弟又書之，其弟又書之，其弟又書之。太史盡死，執簡以往，聞既書矣，乃還。在晉董狐筆。左傳：趙穿弑晉靈公，董狐書曰：趙盾弑其君。孔子曰：董狐，古之良史也，書法不隱。秦張良椎秦始皇，東遊至博浪沙中，張良為韓報仇，力士操鐵椎擊始皇，誤中副車。在漢蘇武節，漢蘇武使匈奴，單于欲降之，武不屈，乃幽武北海，使之牧羊。武

票已曾甫元月

世祖

二一

初言地

卧起持漢節留匈奴為嚴將軍頭嚴顏為劉璋守

顏被獲飛喝之曰何不早降答曰卿無狀為

侍中血皆潰散紹以身捍御輦飛矢雨集遂遇

害血濺帝衣左右欲浣之為張睢陽齒唐安祿

帝曰此誓侍中血勿去之盡起兵討賊與許遠同守睢陽大小四百戰糧

四為顏常山舌唐顏杲卿為常山太守安祿山

橋柱罵不絕口賊斷其舌或為遼東帽清操厲

冰雪之明帝安車蒲輪聘之不至家貧好學在

家常著皂帽或為出師表鬼神泣壯烈諸葛或

為渡江楫慷慨吞胡羯胡雲撥豫州刺史

誓曰吾生不能清中原或為擊賊笏逆豎頭破

裂唐朱泚死召段秀實議欲借號秀實唾泚而

滿地其黨遂殺秀實是氣所磅礴凜冽萬古存

當其貫日月生死安足論地維賴以立天柱賴

以尊三綱實繫命道義為之根嗟予遘陽九隸

也實不力楚囚纓其冠傳車送窮北鼎鑊甘如

飴求之不可得陰房闕鬼火春院闕天黑牛驥

同一皁皁馬雞栖鳳凰食一朝蒙霧露分作溝

剛本作岡  
剔肉置骨也

磅薄見莊  
子混同貌

又廣被也  
充塞也賈

日月林西  
仲云言其

光明此氣  
長存不隨

形而死地  
維天柱應

篇首天地  
二字三綱

云云應篇  
首於人曰

浩然句言  
此氣不但

全天地之  
所付且能

西京書補  
世祖

曆敬郭本擊  
新守日

為功於天  
地皆本道  
義而生即  
孟子配義  
與道之說  
自此氣旁  
碑句至此  
總括上文  
正氣所為  
陽九應上  
時窮謝在  
杭日天既  
於陽九地  
於陽九地  
大期九千  
九百年小  
期三十三

中瘠如此再暑寒百沴自辟易哀哉沮洳場為  
我安樂國豈有他繆巧陰陽不能賊顧此耿耿  
在仰視浮雲白悠悠我心憂蒼天曷有極哲人  
日已遠典刑在宿昔風簷展書讀古道照顏色  
補十七年十月命右丞相阿剌罕右丞范文  
虎等發兵擊日本補十一月行授時曆郭守敬  
等以為漢以後曆法經七十改汴宋舊儀今多  
不協乃與南北日官陳鼎臣等創造儀像徧參  
曆法酌取中數成新曆上之其法視古皆密可

百年故當  
陽九之會  
天旱海涸  
而陸燠當  
百六之會  
海水竭而  
陵自填按  
漢書曰四  
百五十歲  
為一元一  
元之中有  
九厄隸也  
不力見左  
傳楚公子  
微服出也  
其僕罵之  
之詞借以  
罵所轄將

以施之永久而無弊賜名曰授時頒之天下補  
十八年二月皇后弘吉刺氏崩后性明敏達於  
事機國家初政左右匡正與有力焉四怯薛奏  
怯薛者猶漢言分番宿衛也太祖功臣博爾忽  
博爾木木華黎赤老温四族世領怯薛之長  
割京城近地牧馬帝許之后將諫陽貴太保劉  
秉忠曰汝何不諫若初定都時以地牧馬則可  
今軍民分業已定奪之可乎事遂止宋亡幼主  
入朝后不樂帝曰江南平自此不用兵甲人皆  
喜之爾何獨不樂后曰自古無千歲之國母使

票示己曾甫元月口各卷一 世祖 二七

許魯齋卒

士不肯力戰致已被執也按宋史元張弘正追先生于五坡嶺先生衆不及戰皆頓首伏草莽故被執楚囚見左傳言被繫係纓冠用子路之事鼎鑊云云元世祖不殺根上生死安足論來

吾母子及見此則幸矣帝以宋府庫物置殿庭召后視之后一視而反帝問后何欲后曰宋人貯蓄以貽子孫子孫不能守而歸於我我又何忍取之耶宋太后全氏至京不習風土后屢奏乞令回江南帝不允后退亦厚待之○三月集賢大學士兼國子祭酒致仕許衡卒衡嘗語其子曰我平生虛名所累竟不能辭官死後慎勿請諡勿立碑但書許某之墓四字使子孫識其處足矣及卒朝野莫不哀傷○世祖求南人有才者甚急宋降將王積翁薦文天祥天祥曰國亡吾分一死耳倘緣寬得以黃冠歸故鄉他日以方外備顧問可也○補八月擊日本諸將弃師於海島而還初帝屢遣使往通日本不納乃命鳳州經略使忻都伐之無功而還復遣禮部侍郎杜世忠等使其國亦不報且執世忠等殺之去歲命右丞相阿剌罕右丞范文虎等率師十萬以往阿剌罕卒于軍於是詔以左丞相阿答海代之未至文虎等已航海至平壺島遇颶風

黃冠歸故鄉擊日

陰房云云囚繫之地靜密而幽暗也平驥用鄒陽獄中書之語喻與兵卒共處雞栖喻與兵卒共食溝中瘠見荀子初在獄偶沾陰陽不和之氣自必死如知如此者二年而百

海代之未至文虎等已航海至平壺島遇颶風

焚毀

般疹戾之氣不能加害猶見我而碎易者然沮如下濕之地安樂我能安處無疾也巧猶奇巧也見漢書韓安國傳不能賊緣我有正氣能敵自診之故取耿小明貌謂正氣也言身雖不死

顧此耿耿於心者終不可釋仰視白雲而我心之憂若與天共長矣指上典刑指上文十二事古人雖遠而書存應上一垂丹青句展讀問覺古道在前如與吾顏色相映照矣

敗舟諸將各擇堅艦乘之遁去棄士卒十餘萬

于島眾推張百戶者為帥方伐木作舟為歸計

日本覬知之率眾襲殺殆盡惟餘南人萬餘不

殺而奴之未幾得還者財三人補十月焚毀道

書補十九年二月帝如上都憲宗以桓州東濼水北之龍岡為都

會之所名曰開平府世祖中統四年補三月益

以開平府為上都燕京北八百里

都千戶王著殺左丞相阿合馬於闕下著因人

心憤怨阿合馬密鑄大銅鎚與妖人高和尚謀

擊殺之時皇太子從帝如上都而阿合馬留守

京師著以太子素惡其姦乃遣一西僧至中書

詐稱皇太子還都作佛事復矯太子命俾樞密

副使張易發兵夜會東宮易不察遽以兵往時

高鱈張九思宿衛宮中鱈問果何為易附耳語

曰太子來誅左相也既而省中遣使出迎悉為

偽太子所殺奪其馬入健德門夜二鼓至東宮

前立馬呼省官至前責阿合馬數語著即牽去

以所鑄銅鎚碎其腦立斃於是鱈九思開門大呼曰此賊也叱衛士急捕之眾奔潰多就擒高

西示已曾補二月

世祖

二

元時凡有  
四種人曰  
漢人謂金  
人也曰南  
人謂宋人  
也曰色目  
人謂回回  
諸國也曰  
蒙古人  
禮記郊特  
牲云野夫  
黃冠黃冠  
草服也後  
世謂道士  
曰黃冠  
平壺本邦  
肥前平戶  
也以音轉

和尚逃去。惟著挺身請囚。時帝在察罕腦兒。聞之。即遣和禮霍孫等歸討。為亂者獲。高和尚於高粱河。與王著張易皆棄市。著臨刑大呼曰。王著為天下除害。今死矣。異日必有為我書其事者。帝猶不深知。阿合馬姦及詢樞密副使孛羅。乃盡得其罪惡。始大怒曰。王著殺之。誠是也。命發塚剖其棺。戮屍於通玄門外。縱人食之。四民聚觀。稱快。遂窮治其黨。補八月。帝還大都。至元年八月。定都于燕。為中都。大興府。九年。改中都曰大都。○十二月。殺宋少保。

足不履地

表帶中贊成仁取義

綱目云。惟道德經為老子所著。餘皆後人偽撰。詔悉焚之。列傳。妖人作妖僧。皇太子名真金。西僧謂天竺僧也。元史類編。所鑄作所。

樞密使信國公文天祥。天祥留燕二年。坐卧一小樓。足不履地。帝欲用之。天祥不屈。議將釋之。未幾。中山狂人自稱宋王。欲取文丞相。帝乃召天祥入。諭之曰。汝何願。天祥曰。願賜之一死。足矣。帝猶未忍。左右力贊。帝乃詔有司。殺于燕京柴市。俄有詔使止之。至則天祥死矣。天祥臨刑殊從容。謂吏卒曰。吾事畢矣。南向再拜。死。年四十七。其衣帶中有贊曰。孔曰成仁。孟曰取義。惟其義盡。所以仁至。讀聖賢書。所學何事。而今而

西下心書甫心月各卷一

世阻

一八



義至事鬼  
仁至四字押韻  
下磨精忠恐精  
以詩哀訛  
哭天  
祥

忠孝之感

二十一年

二十一年

緬西南夷名

後庶幾無愧南北人聞者皆為流涕翰林學士

王磐以詩哭之曰大元不殺文丞相君義臣忠

兩得之義似漢王封齒日忠如蜀將斬顏時謂蜀將張

徐世隆有飛欲斬精忠貫日華夷見氣節凌霜天地知却

恐史書編不到老夫和淚寫新詩有張毅甫者

負天祥骸骨歸葬吉州會林某亦自惠州昇天

祥母夫人之柩同日而至人以為忠孝所感補天

祥為人豐下而兩目炯然博學善論事作文未嘗起草尤長於詩居獄四年忠義之氣一著於

者無不流涕悲慟有得其履者亦寶藏之

二十一年正月立弘吉刺氏為皇后初弘吉刺

之族從太祖起兵有功尋立其女為皇后遂與

約曰弘吉刺氏生女世以為后生男世尚公主

故元世諸后多其族焉補六月增給官吏俸從

御史中丞崔彧請補十一月相答吾兒等擊緬

破之西南夷十二部俱降補二十一年二月遣

王積翁使日本未至舟人殺之○五月故宋太

皇太后謝氏殂于燕補十一月詔右丞盧世榮

行鈔法世榮入中書自謂其生財有法用其法

補言地補天由以四卷一

當賦倍增而民不擾翰林學士董文用曰牧羊者歲兩剪其毛今牧人日剪以獻主者固悅其得毛之多然羊無以避寒熱既死且盡毛又可得乎民財有限右丞將盡取之得無有日剪其毛之患乎世榮不能對補二十二年二月立真定路宣慰司兼都轉運司領課程事從盧世榮請補十一月盧世榮伏誅初監察御史陳天祥上疏言世榮專大政恣行苛刻為民擾詔丞相以下雜問其罪復召天祥與世榮親鞫之一

二十二年

龍之日  
之本  
之兵

欵服遂命誅之補十二月太子真金卒太子仁孝恭儉明於聽斷中外歸心焉江西行省以歲課羨餘四十七萬貫來獻太子怒曰朝廷但令汝等安百姓百姓安錢糧何患不足盡却之時帝春秋高南臺御史上書請內禪太子聞之憂懼不自安尋卒年四十三補二十三年正月詔罷征日本先是帝憤日本襲殺島中軍命高麗王嗜及阿答海領征東行省左丞相率師往擊之詔各路拘集水手及造船五百餘艘民不勝一

嗜音春。

西京已曾補已明各卷一

世祖

帝將討日  
本問趙良  
弼良弼言  
臣居日本  
歲餘觀其  
民俗狼勇  
嗜殺不知  
有父子之  
親上下之  
禮其地多  
山水無耕  
桑之利得  
其人不可  
役得其地  
不加富况  
舟師渡海  
海風無期  
臣謂勿擊

呂謝  
枋得  
不至

便帝從之

厭苦中丞崔彥昂吉兒等諫之皆不從期以是  
年三月以次而發八月會於合浦有司徵斂大  
為姦利吏部尚書劉宣上書言近議再興日本  
之兵此役不息安危所係近征占城交趾三數  
年間吏民大擾盜賊蠭興且交趾小邦親王提  
兵深入無功反殪大將况日本海洋萬里非二  
國比萬一不利援兵安能飛渡耶帝納其言遂  
下詔罷之○召故宋臣謝枋得力辭不至時帝  
訪求南人有才者甚急御史程文海承旨留夢

炎交章薦之故也

補先是使程文海訪求江南  
人本帝素聞趙孟適葉李名

密諭文海必致此二人文海復薦宋宗室趙孟  
頰及張伯淳等二十餘人帝皆擢用之於是文  
海又薦宋遺士三十人枋得亦在列枋得方居  
母喪遺書文海曰某所以不死者以九十三歲  
之母在耳先妣以今年二月考終某自今無意  
人間事矣凶國之大夫不可與圖存李左車猶  
能言之况稍知詩書頗識義理者乎某之至愚  
極聞決不可以辱召命亦明矣既而留夢炎亦  
力薦之於帝枋得復遺書夢補四月江南兵起  
廣東民董賢舉浙江民楊鎮龍柳世英循州民  
鐘明亮各擁眾萬餘相繼而起補十月置徵理  
司遣使鈎考諸路錢穀初尚書平章政事桑哥

摘猶擢言  
擢人而委  
任之也六  
部謂吏戶  
禮兵刑工  
也

謝枋  
死節

摘委六部鈎考百司倉庫財穀復以為不專其  
任遂置徵理司以主之又請以參知政事忻都  
等十二人理算諸路耗失之數詔從之○二十  
六年四月福建參政魏天祐執故宋江西招諭  
使知信州謝枋得至燕不屈死之初天祐誘枋  
得入城與之言坐而不對或嫚言無禮天祐久  
不能堪乃讓曰封疆之臣當死封疆安仁之敗  
何不死枋得曰程嬰公孫杵臼二人皆忠趙一  
存孤一死節一死於十五年前一死於十五

蓋棺  
事定

講習餘筆  
云晉劉毅  
云蓋棺事  
方定唐杜  
少陵詩丈  
夫蓋棺事  
始定又韓  
退之詩蓋  
棺事了了  
周禮曰祭  
祭正義云  
其祭非常  
處故臨時  
營其地立  
橫表積聚  
也聚草木

年之後萬世之後皆不失為忠臣王莽篡漢十  
四年龔勝乃餓死亦不失為忠臣韓退之云蓋  
棺事始定天祐曰強辭枋得曰昔張儀語蘓秦  
舍人云當蘓君時儀何敢言今日乃參政之時  
枋得復何言天祐怒逼之北行枋得不食二十  
餘日不死乃復食只茹小蔬菜積數月困於四  
月朔至燕京五日死於驛枋得至燕問太后  
橫所及瀛國所在再  
拜慟哭疾甚承旨留夢炎使醫持藥雜米飲進  
之枋得怒擲之地不食五日死子定之護骸骨  
歸葬枋得平生無書不讀為文章高邁奇絕學  
信州

為祭處。謝枋得妻李氏就俘。

或指李言曰是當沒入矣。李聞之無二子。妻然而左。

右曰雖沒入將不失。為官人妻。何泣也。李曰吾豈可嫁二夫耶。

願謂二子曰若幸生還善事吾姑是夕解。

裙帶自經獄中死。姑桂氏幽囚。泰然無怨語。人問之曰義所當然。時稱一門賢孝。

綱鑑會編云時桑哥已徵者數百萬。未徵者尚數千萬。民不聊生。自殺者相屬。逃山林者則發兵捕之。

河北大地震

者師尊之所著有詩傳註疏行于世補以中書

右丞相伯顏知樞密院事將兵鎮和林和林統

有漠北諸路置知院自伯顏始補帝幸太聖壽

萬安寺詔天下梵寺所貯藏經集僧誦之仍給

所費歲為例補二十七年四月河北十七郡蝗

八月朔日食地大震武平尤甚地陷黑沙水涌

出壞官署四百八十間民居不可勝計壓溺死

傷者數十萬人帝深憂之乃召集賢翰林兩院

官詢致災之由議者畏桑哥莫敢指切時政時

桑哥理算天下錢穀民不聊生集賢學士趙孟

頰入奏於帝謂須下詔蠲除庶幾天變可弭帝

從之詔草已具桑哥怒曰此必非帝意孟頰曰

凡錢穀未徵者其人死已盡非及是時除免

之他日言事者儻以失陷歸咎尚書豈不為丞

相深累耶桑哥悟遂赦天下民賴稍蘇補二十

八年正月桑哥以罪免天下以桑哥鉤考錢穀

之故中外騷動趙孟頰謂奉御徹里曰桑哥罪

惡甚矣我等不言他日何以辭其責公為上所

聖下已曾兩月

世祖

擊要。不忽木。作不忽。

親信捐一旦之命為萬姓除殘賊仁者事也徹里乘間言之詞語激烈帝怒謂其毀詆大臣命衛士批其頰血湧口鼻委頓地上少間復呼而問之辨愈力曰臣與桑哥無讐所以力數其罪而不顧身者為國家計耳苟畏聖怒而不言則姦臣何時除民害何時息帝大悟召翰林學士承旨不忽木問之對曰桑哥壅蔽聰明紊亂朝政有言者即誣殺之今百姓失業盜賊蜂起召亂在且夕非亟誅之恐為陛下憂時廷臣言者

劉因不召之臣。不召見孟子所

謂之謂恐行類編無謂字。

焯音哨。焯祖寸切。

益眾遂詔臺省相與辨駁之桑哥辭屈遂免桑哥官籍其家得珍寶如內藏之半尋伏誅補罷徵理司詔下之曰百姓相慶○徵前贊善大夫劉因為集賢學士不至補因以疾固辭帝聞之遂不強致之補二十九年六月安南遣使入貢初帝詔鎮南王脫觀等屢擊安南無功還帝怒欲再伐之適其王陳日烜死子曰焯襲位不忽木曰彼山海小夷以天威臨之寧不震懼獸窮則噬勢使之然今若遣使諭之彼宜無不奉

始置社稷

字彙中間高築為壇壇之外面平地為壇即場也壇邊低垣圍繞者為壇即土埒也

命遂以禮部尚書張立道嘗使安南有功復使往立道至安南諭之曰燔乃遣其臣何惟巖阮隨立道上表謝罪修歲貢之禮如初且言所以願朝之意時有忌立道之功者言必先朝而後可赦日燔懼卒不至補三十年正月始置社稷至元初已詔歲祀然未立壇壝至是始用崔彧言置之○四月劉因卒因保定容城人天資絕人日記千百言初為經學究訓詁疏釋嘆曰聖人精義殆不止此及得周程邵朱之書一見曰

學者稱為靜修先生

易知錄云因愛諸葛孔明靜以修身之語曰靜修

我固謂當有是也評其學之所長曰邵至大也周至精也程至正也朱子極其大盡其精而貫之以正也因性不妄交家雖甚貧非其義一介不取隱居教授弟子造其門者隨材器教之皆有成就所居扁之曰靜修學者稱為靜修先生補六月詔皇孫鐵木耳撫軍北邊召伯顏還以玉昔帖木兒代之時有譖伯顏久居北邊無尺寸之獲者詔授皇孫以皇太子寶撫其軍以太傅玉昔帖木兒輔行伯顏授以印而行皇孫舉

伯顏  
兩字  
歲

會編注。故  
字以下無  
六字。

標言

十五

酒錢之曰。公去。何以教我。伯顏舉所酌酒曰。可  
慎者。惟此與女色耳。○三十一年正月。帝崩。在

位三十五年。改元者二。曰中統。至元。廟號世祖。國語  
稱曰。薛淨皇帝。梁寅曰。元之有天下。殊方絕域。

靡不臣服。輿圖之廣。亘古所無。然世祖之約不  
以漢人為相。故為相皆國族。而不置諫官。使忠

直路塞。文學之士。雖世世不乏。而沈於下僚。莫  
究其用。所賴以為用者。唯吏師而已。其為法如

是。是以朝皆苟且之政。而士無饜諤之風。官有  
貪婪之實。而吏多欺誑之文。將永保萬邦比隆

三代無乃。皇孫鐵木耳。自軍中來奔。喪即皇帝  
位。

成宗皇帝名鐵木耳。世祖之孫。太子真金第三

子也。神世祖崩。皇孫時在于上都。宗室諸王會  
于上都。定策之際。親王有違言者。玉昔帖

木兒曰。官車晏駕。神器不可久虛。且昔太子寶  
既有所歸。晉王宗盟之長。何俟而不言。伯顏亦

握劍立殿。陛宣揚顧命。述所以立皇孫之意。辭  
色俱厲。諸王皆股栗趨殿下。拜皇孫遂即位。大

赦。追尊考曰。○元貞元年。太傅錄軍國事伯顏  
祐宗皇帝。

卒。如將一人。諸將仰之若神明。還朝。未嘗言功  
卒。諡武。○詔易江南諸路天慶觀為玄妙觀。毀所

奉宋太祖神主。補六月。陝西旱饑。行省右丞許

辰。議發廩賑之。同列以未經奏請不可。辰曰。民

為邦本。今饑饉若此。若俟命下無及矣。擅發之

陝西  
旱饑

元貞  
元年

書五子之  
歌曰。民是  
邦本。

元貞元年

成宗

十六



大德二年

三年四年

撰言坤初示明略卷

卷

十六

罪吾當任之遂發粟賑貸命亦尋下補大德二年二月罷中外土木之役丞相完澤言歲入之數不償所費因以節用為請遂有是命補三年二月遣僧一山使日本而日本竟不至補四年二月皇太后弘吉刺氏崩后有賢德事昭睿順聖皇后執婦道甚謹及尊為太后置徽政院長其財賦院官有受獻浙西田七百頃者后曰我寡居婦人衣食自有餘况江南率土皆國家所有曷敢私之即命盡易院官之受獻者后之弟

擊西南夷八百媳婦

欲因后求官后拒之曰勿以累我也崩謚徽仁裕聖皇后補五月平章軍國事不忽木卒初世祖每聞不忽木之言必嘆曰恨卿生晚不得早聞此言然亦吾子孫之福臨終以白璧遺之曰他日持此以見朕也不忽木雖歷顯要而家素貧卒無以葬賜鈔賻之贈魯國公謚文貞補十二月右丞相完澤因雲南行省左丞劉深之言勸帝擊西南夷八百媳婦左丞相哈刺哈孫及御史中丞董士選等諫之不聽竟命深及哈刺

西示己曾甫元月日各卷一

成宗

二七

五年

帶等將兵二萬以往補五年五月劉深兵次順元遠冒烟瘴未戰士卒死者已什七八驅民轉餉谿谷之間一夫負粟不斗數十日乃達死者亦數十萬人中外騷然蠻酋宋隆濟蛇節等遂連兵反進攻貴州圍深窮谷中補十一月劉深兵敗帝始悔不用董士選等之言乃遣劉國傑及楊賽因不花等率兵分道進討諸蠻補宋隆濟累攻圍貴州不解劉深糧盡道梗不通遂引兵還隆濟復率衆邀之輜重委棄士卒殺傷殆盡

稷塞也

六年

御史中丞陳天祥上書諫之不報遂謝病去補六年三月西南夷烏撒烏蒙東川芒部及武定威楚普安諸蠻因蛇節之亂皆以供輸煩勞為辭俱叛遣陝西行省平章政事也速哥等討平之補七年二月汰諸司冗員定中書省自左右丞相而下平章政事二員左右丞各一員參知政事二員定為八府補三月劉國傑敗宋隆濟及蛇節於墨特川擒斬之餘黨相繼平補誅劉深罷雲南分省○蘭谿處士金履祥卒履祥少

解多改切

七年

金履祥學

標已善甫元月史各卷一

成宗

二八

王柏  
何基

精言

十一

從學同郡王柏及何基之門。二人蓋得朱熹之傳者。宋將也。遂絕意進取。屏居金華山中。嘗作通鑑前編。居仁山之下。學者因稱為仁山先生。至正中。賜諡文安。補八年正月。地震。平陽尤甚。民居摧毀。皇后召平章政事愛薛。問曰。災異如此。殆下民所致耶。愛薛曰。天地示警。民何與哉。

售音授自  
妹曰售

補九年四月。始定郊祀禮。補六月。立子德壽為皇太子。補八月。西域賈人有獻珍寶。求售者。議以六十萬錠。酌之。省臣有知珠者曰。此所謂押忽大珠也。六十萬錠。之不為過矣。左丞尚文曰。何所用之。答曰。含之可不渴。熨面可使目有光。文曰。一人含之。千萬人不渴。則誠寶也。止濟一人。則用已微矣。吾所謂寶者。米粟是也。有之則百姓安。無則天下亂。以功用較之。豈不愈於彼乎。補十二月。太子德壽卒。○十一年正月。帝崩。

補在位十三年。改元者二。曰元貞。大德。廟號成宗。國語稱曰完澤篤皇帝。史臣曰。帝承天下混一之後。善於守成。惟其末年。連歲寢疾。國家政事內則決於宮闈。外則委於太臣。其所以不至廢墜者。則以去世祖皇姪懷寧王海山。即位于未遠。成憲具在。故也。

票已曾補元月

成宗

十一

上都

武宗皇帝名海山成宗兄答剌麻八剌之長子也。補五月廢皇后伯岳吾氏殺之誅安西王阿

難答及諸王明里帖木兒追尊考曰順宗皇帝

尊母弘吉刺氏為皇太后。初成宗封海山為懷

皇后伯岳吾氏以已嘗謀出海山弟愛育黎拔

力入達及其母居懷州至是恐懷寧王立必報

前怨乃命召安西王阿難答入京師欲立之而

左丞相阿忽台及諸王明里帖木兒等陰左右

之謀斷海山歸路奉皇后垂簾聽政立安西王

輔之右丞相哈刺哈孫不聽眾欲害之未敢發

遣使南迎愛育黎拔力八達于懷州愛育黎拔

力八達於未行其傅李孟曰今官車晏駕大太

子速在萬里殿下當急還官廷以安人心於是

乃奉其母還大都安西之黨見愛育黎拔力八

達既至遂謀偽賀其生辰因以舉事哈刺哈孫

許之夜遣人啟愛育黎拔力八達曰懷寧王遠

不能狎至恐變生不測當先事而發愛育黎拔

遣使召安西計事至即并諸王明里帖木兒執

械送上都收阿忽台等誅之自監國遣使奉

加封孔子大成至聖文宣王

元史類編加封孔子尊號制曰先孔子而

為皇太子。○七月加封孔子為大成至聖文宣

王詔曰蓋聞先孔子而聖者非孔子無以明後

元史已曾甫元月史各卷一

武宗

二十一

愛育黎拔力八達平難

不言土

孔子而聖者非孔子無以法於戲父子之親君

臣之義永為聖教之尊天地之大日月之明奚

罄名言之妙翰林承旨閣復之辭也○詔行世

祖所行條格中書省臣言法者譬之權衡不可

偏重律令者治國急務當以時損益未可輕議

請自世祖即位以來所行條格校議歸一遵而

行之制曰可○丞相答刺罕哈言治道必先守

令乃精遴選定官吏賊罪十二章○至大元年

正月以阿沙不花為右丞相帝嘗御五花殿阿

至大元年

治道先守

法者譬權

聖者非孔子無以明後孔子而聖者非孔子無以法所謂儀範百王師表萬世者也

敬仰休風循往古之良規舉追封之盛典加號大成至聖文宣王遣使闕里祀以太牢於戲父

兩斧伐孤樹

帝比昵番僧

沙不花見帝顏色日悴乃進曰八珍之味不知

御萬金之身不知愛惟麴蘖是好姬嬪是耽是

猶兩斧伐孤樹未有不顛仆者帝喜曰非卿孰為

朕言因命進酒又頓首曰臣方欲陛下節飲而

反勸之是臣之言不信於陛下也臣不敢奉詔

左右皆賀帝得直臣遂拜右相○帝比昵番僧

愛之其在上都者疆市民薪民訴于留守李璧

璧方詢其由僧已率其黨持白挺突入公府隔

案引璧髮捽諸地捶朴交下拽歸閉諸空室久

子之親君臣之義承惟聖教之尊天地之尊大日月之明奚罄名言之妙尚資神化助我皇元飲一作欲

持頭髮也  
案引璧髮捽諸地捶朴交下拽歸閉諸空室久  
武宗  
三十一

神元明史卷一

遂一作乃

乃得脫奔訴于朝。僧竟遇赦免。未幾其徒龔柯等與諸王合兒八刺妃爭道拉妃墮車毆之。語侵帝事聞亦釋不問。時宣政院方奉旨言毆西僧者斷其手。詈者截其舌。皇太子聞之亟上言此法昔所未有。遂寢其命。補六月加宦者李邦寧大司徒兼左丞相。邦寧在宋為黃門。初從瀛國公入見世祖。留給事內庭。至是帝欲以為江浙平章。辭曰。臣以闒腐餘命前朝赦而用之。使承乏中涓。今陛下復欲置臣宰輔。夫宰輔者佐

三年

天子共治天下者也。奈何辱以寺人。陛下縱不臣惜。如天下後世何。誠不敢奉詔。帝大悅。有此命。仍領大醫院事。補三年正月。徵李孟入見。以為平章政事。同知樞密院事。孟嘗為太子傅。有功。後逃去。有譖于帝者。曰。內難初定時。孟勸皇太子自取帝弗之信。一日太子侍內宴。忽戚然改容。帝曰。吾弟何不樂。太子從容起謝曰。賴天地祖宗神靈神器有歸。然成今日母子兄弟之權者。李道復之功居多。適思之不自知其變於

票已曾補元明史各卷一

武宗

三二二

本言... 卷一

色也。帝即命搜訪之。得于許昌廕山。召見。於是

有此命。○四年正月。帝崩。補在位四年。改元者

國語稱曰皇太子愛育黎拔力八達。即皇帝位。

仁宗皇帝名愛育黎拔力八達。順宗次子。武宗

同母弟也。帝天性慈孝。聰明恭儉。通達儒術。愛

養民力。孜孜為治。補正月。帝以太師脫虎脫等

變亂舊章。流毒百姓。凡誤國者。欲悉按誅之。延

慶使楊棗兒只諫曰。為政而首尚殺。非帝王治

也。帝感其言。特誅其尤者。脫虎脫三寶奴樂實

保八王罷流。他哥鐵木兒于海南。既而御史言

脫虎脫等既正典刑。而黨附之徒。布在百司。宜

加罷黜。從之。補罷城中都武宗末年司徒蕭珍

城中都徵功毒民。於是追奪其符印。令百司禁

錮之。凡中都所括民田。悉還之民。補召先朝諸

知政務老臣。程鵬飛。董士選。李謙。張驢。陳太祥

尚文。劉正郝。天挺。董士珍。蕭欒。劉敏中。王思廉

韓從益。趙君信。程文海。十五人。詣闕同議。廢政。補三月。帝即位。大赦。初。帝在東宮。李邦寧知丞

召先朝諸

括古治切

謝音居

票已曾補元月史各卷一

仁宗

三十三

本言地初元明史田卷一

學校人才所自出

聖人教化之速

讀貞觀政要

相三寶奴等畏帝英明乘間言于武宗曰陛下富于春秋皇子漸長父作子述古之道也未聞有子而立第者武宗不悅曰朕志已定汝自往東宮言之邦寧慚懼而退及帝即位左右咸請誅之帝曰帝王曆數自有天命其言何足介懷○四月命中書平章李孟領國子學諭之曰學校人才所自出卿等宜數詣國學課試諸生勉其德業孟潞州上黨人貫通經史善論古今治亂其家居授徒遠近爭從之郭彥通常稱孟有宰輔之器○帝御便殿李孟進言曰陛下御極物價頓減方知聖人教化之速敢以為賀帝蹙然曰卿等能竭力贊襄使兆民苟安庶幾天心克享至於秋成尚未可必今朕踐祚曾未踰月寧有物價頓減之理此言非所賴也孟愧謝○

書大禹謨  
皋陶曰予  
未有知思  
口贊贊襄  
哉注襄成  
也

六月帝讀貞觀政要諭侍臣曰此書有益于國家其譯以國語刊行俾國人皆誦習之又嘗有進大學行義者帝曰治天下此書足矣因命譯刊以賜臣下補閏七月賜李孟爵秦國公初帝

景已曾補五月

仁宗

二二四



標訂增補元明史略卷一

一本無卿者之者字

居懷州深見吏弊既即位欲痛剷除之孟曰吏當有賢者在激厲之而已帝曰卿者儒者宜與此曹氣類不合而曲為保護如此真長者之言也孟在政府嘗因間乞解罷政權帝曰朕在位必卿在中書朕與卿相與終始自今其勿復言○皇慶元年正月帝諭中書省臣曰人言御史臺任重朕謂國史院尤重御史臺是一時公論國史院是萬世公論也補時朝廷封拜繁多群臣無功而受王公之爵者前後相繼於是誠左

皇慶元年

二年

帝寶善人

郝天挺陳七事

李孟論刑賞

右勤職業勿妄僥倖乞加官○二年二月帝諭群臣曰回回以寶玉鬻於官朕思此物何足為寶惟善人乃為寶善人用則百姓安茲國家所宜寶也補六月詔以周敦頤張載邵雍司馬光朱熹張栻呂祖謙許衡並從祀孔子廟庭○御史中丞郝天挺上疏論時政陳七事曰惜名爵抑浮廢止括田久任使論好事獎農務本勵學養士帝嘉納詔中書舉行之○李孟言人君之柄在刑賞賞一善而天下勸罰一惡而天下懲

標訂增補元明史略卷一

仁宗 二二五

詔行科舉

大京師

延祐元年

定官民車服等第

所施失當何以爲治又言貴賤有章所以定民志賜予有節所以勸臣下請各爲之限制帝皆從之○江浙行省以新安儒士程復心所著四書集註章圖纂釋來上詔擢用之復心辭不受

○十月以行科舉詔天下期以明年八月天下郡縣舉其賢者充貢

有司次年二月會試京師中選者親策之于廷賜以及第出身帝謂近臣曰朕所願者安百姓以圖至治然非用儒士何以至此設科取士庶得真儒之用而治道可興也

年三月進士護都沓兒張起嚴等五十六人及第出身十一月京師大旱帝問弭災之道翰林學士程鉅夫舉湯禱

桑林事以對帝嘆曰此實朕之責也赤子何罪治書侍御史尉遲德誠亦上言西僧以作佛事

疎放罪囚以爲祈福奴婢殺主妻妾殺夫皆獲

實緣以免實紊典常必欲修政以答天譴夫豈有先於此者哉補延祐元年六月勅自今官者

勿得授文階補十二月帝以士民靡麗相尚僭禮費財命中書省定官民車服等第惟蒙古及

怯薛諸色人不禁然亦不許服龍鳳文補二年

輟咍錄云

蒙古七十種色目三十一種漢人八種

票已曾補元月史各象一

仁宗

二二六

三年

本言城補元明史

東盧達切。

郭守敬 文天 越千

趙昂 翰林 承旨

歟乃交切。音鏡謹聲也。

五月。疾風電雹。成紀縣北山南移。至西河川。次

日再移。平地突出土阜。高者二三丈。陷沒民居。

補十一月。立武宗子和世球為周王。出鎮雲南。

初武宗既立。帝為太子。丞相三寶奴及康里脫

脫等復勸立和世球。丞相鐵木迭兒欲微寵講

立皇子碩德八剌。又與太后幸臣朱烈門。諧王

於兩宮。謂仁宗及母太后。遂封為周王。○三年三月。太

史令郭守敬卒。守敬之學長於天文水利。太史

令主旬。以學自負。每見守敬制度精巧。深嘆服

之。王禕曰。自宋以來。學者於天文水利之故。不講議矣。守敬獨能任其絕學。度越往古。以成

制也。○十月。以趙孟頫為翰林學士承旨。帝

在東宮。素知其名。及即位。召除集賢學士。至是

拜翰林學士承旨。有間之者。言國史不宜令孟

頫典。帝曰。子昂世祖所簡拔。朕置之館閣。使典

述作。傳之後世。此屬歟。歟何也。復厚賜之。補十

一月。和世球次延安。其臣禿忽魯及武宗舊臣

教化等。謀曰。天下者。我武宗之天下也。王之出

鎮。本非上意。由讒搆。致然。請聞之。朝廷庶可杜

票已曾補元明史各卷一

仁宗

和世球本紀立碩德八刺為皇太子兼中書令樞密使

塞離間遂與陝西丞相阿思罕平章塔察兒西臺大夫脫里伯中丞脫歡發關中兵分道自潼關河中府入已而答察兒背約襲殺阿思罕教化和世球乃走漠北補十二月立子碩德八刺為皇太子補四年六月右丞相鐵木迭兒恃勢貪虐兇穢滋甚中外切齒平章政事蕭拜住稍牽制之中丞楊朵兒只及內外御史凡四十餘人共劾其桀黠姦貪欺上罔下誤國之罪又在桑哥阿合馬之上四海嫉憤咸願車裂斬首以快人心奏上帝震怒鐵木迭兒懼逃匿太后宮帝不忍傷太后意但罷其相位補七月帝出見衛士有弊衣者駐馬問之對曰戍守邊鎮踰十五年以故貧耳帝曰此輩久勞於外留守臣未嘗以聞非朕親見何由知之因命賜之錢帛○五年大司農賈住等進司農丞苗好讓所撰裁桑圖說帝曰農桑衣食之本此圖甚善命刊印千帙散之民間補二月寫金字佛經共糜金三千九百兩補六年四月鐵木迭兒家居未逾年

五年苗好讓撰桑圖說

賈一作買

六年

糜爛也。聖要曰詔吳澄為序曰主上寫

千帙散之民間補二月寫金字佛經共糜金三千九百兩補六年四月鐵木迭兒家居未逾年

票已曾補七月各卷一

仁宗

三十一

詔太子參政

經為民祈福甚盛舉也若用所以追薦臣所未諭今列聖之神上同日月何庸薦拔且自國初以來凡寫經追薦不知幾舉若未效是無佛法矣若已效是誣其祖矣撰為文辭不可示後世

一本內外下有臺字

七年

復黃緣起為太子太師中外聞之莫不驚駭時御史中丞趙世延論其不法數十事并內外劾其不可輔導東宮者又四十餘人然以太后之故皆不聽補十二月詔太子參決朝政帝嘗顧侍臣曰卿等以朕居帝位為安耶朕惟祖宗創業艱難恒懼不能守成使百姓樂得其所朕念慮在茲卿等固不知也至是復語左右曰前代皆有太上皇之號今太子且長可居大位朕欲為太上皇與若等游觀西山以終天年群臣皆稱善右計郎中月魯帖木兒曰臣聞昔所謂太上皇若唐玄宗宋徽宗皆當禍亂不得已而為之願陛下正大位保無疆之業前代虛名何足慕哉帝乃止○七年正月帝崩補在位九年改元者二曰皇慶延祐廟號仁宗國語稱曰普顏篤皇帝帝天性恭儉通達儒術兼曉釋典不事游畋不喜征伐不崇貨利事皇太后終身不違顏色待宗戚勳舊始終以禮大臣親老時加恩賚大官進膳必分賜貴近有司奏大辟每慘惻移時其孜孜為治一遵世祖成憲云皇太子碩德八剌即皇帝位

英宗皇帝名碩德八剌仁宗嫡子也天資至孝

仁宗不豫。每夜焚香泣告于天。願以身代。及即位。用法無私。果於誅殺。補仁宗崩方四日。鐵木迭兒遂以太后命復入中書。以蕭拜住及朶兒只嘗攻其奸惡。欲報之。召二人罪以違太后旨殺之。又以李孟初不附已。讒構於帝。盡奪其前。後封拜制命。又怨上都留守賀勝。嘗發寬獄殺之。籍其家。日思報復。仇怨誅戮不已。又徵理在京錢穀虧耗者。及諸路歲貢幣帛稍紕繆者。俱責償。所司程督嚴刻。怨讟復興。帝不能制。加之。太師尋詔中外毋沮議之。翰林學士忽魯兒譯進宋儒真德秀大學衍義。帝曰。脩身治國無踰此書。賜鈔五萬貫。補二月。帝即位大赦。補以拜住為平章政事。拜住嘗為宿衛長。帝在東宮。聞其賢。召之。辭曰。嫌疑之際。君子所慎。我掌天子宿衛。而私往來東宮。我固得罪。亦豈皇太子之福耶。卒不往。至是由太常禮儀院使擢拜。補四月。有獻七寶帶者。因近臣以進。帝曰。朕登大位。不聞卿等進賢。而為人獻帶。是以利誘朕也。

譯進大學衍義

至治元年

張養浩直諫

才言其補元日...

虞書平秩東作謂春農也

其還之○至治元年正月帝欲以元夕張燈結綵樓於宮中設宴時居先帝喪參議中書省事張養浩上疏諫帝大怒既而喜曰非張希孟不敢言即命罷之賜養浩尚服金織幣以旌其直補二月勅建西山佛寺甚亟御史觀音保等以歲饑且東作方興上章極諫帝怒殺之又作壽安山寺佛像置中瑞司領之治銅五十萬斤時復遣帝師往西番受戒賜金千兩銀四千餘兩鈔幣各鉅萬補四月遷武宗子圖帖睦爾于瓊

三年字彙滂音罕淫雨也

拜住三畏

州時鐵木迭兒懷私固寵構譽骨肉諸王大臣莫不自危補二年以旱滂民饑故免河間河南陝西十三郡民租之半補八月鐵木迭兒卒帝覺恃其權寵乘間肆毒漸踈外之乃任拜住委以心腹鐵木迭兒因稱疾不出遂怏怏卒於家○十月以拜住為右丞相遂不置左相帝嘗語拜住曰朕委卿以大任以乃祖木華黎佐太祖安童相世祖卿念祖宗令聞豈有不盡心者乎拜住再拜曰陛下委臣以大任臣有所畏者三

票已曾補元明各卷二

英宗

三十一

祭圓則水圓盂方則水方三年吳澄有德宿儒

鐵失逆謀

本言世補元明史卷一

三十一

畏辱祖宗。畏天下事。大識見有未盡。畏年少不克負荷。無以報聖恩。惟陛下時加訓飭。幸甚。帝又嘗謂拜住曰。今亦有如唐魏徵之敢諫者乎。對曰。祭圓則水圓。盂方則水方。有太宗納諫之君。則有魏徵敢諫之臣。帝善之。○三年正月。右丞相拜住言。吳澄有德老儒。請徵用之。帝遂以澄為翰林學士。澄撫州崇仁人。經傳通貫。用力聖賢之學。成宗元貞初。澄遊龍興。時元明善為行省掾。以文學自負。嘗問澄易詩書春秋奧義。歎曰。吳先生言如探淵海。遂執弟子禮。終其身。左丞董士選延之家。親執饋食。曰。吳先生天下士也。澄嘗為學者言。朱子於道問學之功居多。而陸子靜以尊德性為主。問學不本於德性。其弊必偏於言論訓釋。故學以德性為本。議者以澄為陸氏之學。補三月。帝如上都。補六月。追奪鐵水迭兒官爵。籍沒其家貲。○八月。帝自上都還。駐驛南坡。此夕。御史大夫鐵失等逆謀弑帝于行幄。迎皇叔晉王也孫鐵木兒。即皇帝。位於

票已曾補元明史卷一

英宗

三十二



龍居河神鐵木迭兒既奪爵籍進鐵失等以奸

佛事拜住以國用不足諫止之既而懼誅者復

陰誘群僧言國當有厄非作佛事大赦無以禳

之拜住叱曰爾輩不過圖得金帛而已又欲庇

有罪取奸黨聞之益懼乃生異謀至是車駕自

上都南還驛南坡是夕鐵失與知樞密院事

也先鐵木兒諸王按梯不花等謀逆以鐵失所

領阿速衛兵為外應鐵失先與前平章政事赤

付鐵木兒殺右丞相拜住而鐵失直犯禁墜手

弒帝於卧所時年二十一帝在位四年改元者

一曰至於治朝號英宗國語稱曰格堅皇帝帝性

剛明嘗以地震避殿撤樂減膳近臣有稱觴賀

者叱曰朕方修德不暇汝為大臣不能匡輔交

為諂耶拜住進曰咎在臣等宜求賢自代帝曰

母多遜朕之過也嘗謂宰執曰中書選人著事

旬日御史臺即改除之臺除者中書亦然今山

林遺選復多則等不能盡心求諫惟以親戚故

舊愛相引用耶其明斷多類此然

以果於刑戮奸黨畏誅遂厲大變

泰定皇帝名也孫鐵木兒晉王甘麻刺之長子

裕宗世祖太子真金之嫡孫初襲封晉王及英宗遇弒

以支庶入繼大統

廷事機以其子哈散事丞相拜住得入宿衛久

之哈散知鐵失欲害拜住遂脫歸是年

宣徽使探忒來王邸為倒刺沙言七月將不利

於晉王由是二人深相要結八月鐵失密

遣齊羅思來告曰我與哈散也先鐵木兒先禿

兒謀已定事成推立王為皇帝於是王命以幹

失誅鐵

票已曾甫二月各卷二

泰定

三三

秦定元年開經建

二年

如虎而翼

致和元年

於燕都並戮子孫籍家產補帝既即位以也先

失知樞密院事諸王買奴言於帝曰不誅元凶

則陛下善名不著天下後世何從而知帝深然

之於是誅也先鐵木兒等於行在所命旭邁傑

紐澤入京師收鐵失及其黨赤斤鐵木兒等悉

誅之戮其子孫籍沒家產流諸王月魯鐵補十

木兒按梯不花等于邊地餘黨俱免官

月帝主大都御大明殿受諸王百官朝賀補追

尊考晉王為顯宗皇帝母弘吉刺氏為皇后補

封買奴為泰寧王倒刺沙左丞相補泰定元年

二月浙江行省左丞趙簡請開經筵擇師傅令

太子及諸王大臣子孫受學遂命學士吳澄等

進講帝範資治通鑑大學衍義貞觀政要諸書

○二年六月中書參政左塔不台言大臣兼領

軍務前古所無鐵失以御史大夫也先帖木兒

以知樞密院事皆領衛兵如虎而翼故生逆謀

自今軍務之職乞母以大臣領之庶勲舊之家

得以保全從之補致和元年二月帝如上都命

僉樞密院事燕帖木兒等居守○七月帝殂于

上都補文宗不為立廟諡世止稱為泰定帝補在

位五年改元者二曰泰定致和王禕曰武宗

也。儉言利口

宗以兄弟相及約繼世子孫迭居大位而仁宗

也。感於儉言不守宿諾傳位英宗仍使武宗二子

泰定

明宗文宗出居於外。及英宗遇弒。而明宗在北。文宗在南。晉邸乘間入繼大統。或謂晉邸非所宜立。雖然。晉王於世祖孫也。於次為長。雖守藩服。嘗有盟書。今而國祚之弗繼。則求所當立者。舍晉王之系將誰屬耶。然則謂晉邸非所宜立者。亦過也。舊傳英宗之弒。晉邸與聞乎。故其歿不舉。請諡升祔之典。明其為賊也。然考之實錄。皆不得其實。傳聞之謬。烏可信哉。

明宗皇帝名和世球。武宗長子也。初武宗殂。弟仁宗立。約以次傳于帝。延祐三年。議建儲嗣。時丞相鐵木迭兒欲固位取寵。乃議立英宗為太子。又譖帝於兩宮。封帝為周王。出鎮雲南。逃在漠北。逮秦定帝。殂。皇后八不罕氏。皇太子阿速

吉人遣使詣燕都。取印章。時僉樞密院事

燕帖木兒。遂謀義舉。大會羣臣。令曰。武皇

有子二人。謂周王也。大統所在。當迎立之。不

從者死。以帝遠在沙漠。猝未能至。而帝弟

懷王時徙江陵。補泰定元年。召圖帖時爾于瓊州。封為懷王。出居建

康。乃迎入燕都。懷王固讓曰。大兄在北。以

長。以德當有天下。燕帖木兒曰。人心向背

之機。間不容髮。一或失之。噬臍無及。○九

噬臍見左  
傳莊公六年

標記會甫元明史各卷一

明宗

三十一

天曆元年

二年

本朝身不月日...

三十五

月懷王襲皇帝位改元天曆明告中外以

攝位之意是為文宗倒刺沙在上都已立

皇太子為帝時年九歲遣兵分道攻燕都

敗績齊王月魯帖木兒等以兵圍上都倒

刺沙奉皇帝寶出降泰定嗣帝○十一月

文宗遣使迎周王和世琜于漠北○天曆

二年正月周王還至和寧之北遂稱帝是

宗明○三月文宗遣右丞相燕帖木兒奉皇

帝寶赴漠北○四月帝遣使立文宗為皇

太子○六月皇太子發京北迎帝○八月

帝次于旺忽察都皇太子入見帝暴殂皇

太子襲位于上都補胡粹中曰聞之故

璽後明宗從官有不為之禮者燕帖木

兒且怒且懼既而帝暴崩燕帖木兒聞

哭聲即奔入帳中取寶璽扶文宗上馬

南馳水史乃言皇太子入哭盡哀燕帖

木兒以皇后命奉皇帝寶璽授太子其

廣義云於八月丙戌入見至庚寅王暴卒則是在帳中已五日矣秋兒之罪奚逃

明宗

三十一

綱鑑注寶。下無奎字。授下有於字。

易繫辭傳曰。聖人之大寶曰位。

張養浩書三卷經世大典

文宗皇帝名圖帖睦爾。武宗次子。明宗之弟也。初封懷王。出鎮建康。及泰定帝崩。大臣迎立帝。帝讓兄明宗。明宗崩。復崩。大臣迎立帝。帝讓兄明宗。明宗崩。復登大寶。○九月。西臺御史中丞張養浩卒。養浩。濟西人。自幼有行義。勤學業。嘗著書三卷。一曰廟堂忠告。二曰風憲忠告。三曰牧民忠告。言居官之道。○命翰林奎章諸儒臣。準唐宋會要。輯本朝典故。

至順元年

鄜音孚

名曰經世大典。至順元年。一月。立明宗子懿璘質班為鄜王。補四月。皇后弘吉剌氏與宦者拜住謀殺明宗。皇后不沙。補帝以燕帖木兒有大功。欲獨相。以尊異之。乃為右丞相。罷置左丞相。知樞密院。閣徹伯。脫脫木兒等十二人。以其權勢崇重。欲謀誅之。也的迷失脫迷。以變告。按問。並棄市。籍其家。○湖南嶺北道。經歷范梈。卒。梈。清江人。天資穎異。雖癯然清寒。若不勝衣。而卓然自樹。於流俗。表家居養親。

票已曾補元月史各卷一

明宗

三十一

范淳可方東漢諸君子二年

固窮守節。耽詩工文。用力精詣。朝臣薦為翰林。編修秩滿。除海南海北道。廉訪司。照磨。巡歷遐僻。風波瘴癘。無所忌憚。所至興學。教民雪理。冤滯。吳澄誌其墓。以為特立獨行之士。可方東漢諸君子。補十二月。立燕王阿剌忒納答剌為太子。尋卒。補二年六月。翰林學士吳澄卒。澄泰定間。謝病歸臨川。四方從學者恒數百人。著書至將終不輟。有易春秋禮記纂言。及校定皇極經世書。太極禮等書。卒贈臨川郡公。諡文正。補八月。詔皇子古剌答納山居燕帖木兒家。更名燕帖古思。補十一月。詔養燕帖木兒之子塔剌海為子。賜居第貲產。補二年四月。安西王阿難荅之子月魯帖木兒謀不軌。事覺。其黨皆伏誅。○五月。帝如上都。○八月。帝崩于上都。補在位五年。二。曰。天曆。至順。廟號文宗。國語稱曰禮牙篤皇帝。皇姪懿璘質班。即皇帝位。

三年

寧宗皇帝名懿璘質班。明宗次子也。文宗崩。子幼。遺命立帝。補文宗崩于上都。帝留守京師。燕帖木兒請皇太后立皇子燕帖古思。

寧宗皇帝

寧宗

三十一

后不從命立帝年甫七歲百在位兩月而崩補  
司庶務咸啓皇后取進止  
號寧宗王禕曰寧宗之立雖母后權臣利於立  
幼抑文宗顧命舍其子而立兄子是不可謂非  
弑天下之惡人心天理不可畏哉皇兄妥懽帖  
睦爾即皇帝位

順皇帝名妥懽帖睦爾明宗長子也文宗時被

庚申外史曰德祐帝入元封瀛國公瀛國

諺出居廣西寧宗崩登大寶補初太祖取西北

公幼君也既長願為

衆來降乃封為郡王明宗居沙漠納其裔孫納

僧于白塔寺中號合

遂徙之高麗使居大青島中尋詔天下言明

尊大師後

燕帖木兒復請燕帖古思皇太后曰吾子尙

元年

趙王者出遊過其地憐其老且孤留一用

延祐七年

死燕帖木兒自秉權以來肆行無忌一宴或宰

女有娠四

十三馬取泰定后爲夫人前後尚宗室女四十

月十六日

人有交禮三日遷遣歸者後房充斥不能盡識

子明宗自

一日宴平章政事趙世延宅男女列坐見坐隅

行見其寺

一婦甚麗意欲與俱歸顧左右曰此爲誰對曰

上有龍文

大師家人也自後荒淫日甚體羸溺血而死補

五采物色

六月帝即位于上都初帝至自靜江百官具鹵

瀛國公曰

簿迎于良鄉燕帖木兒既見並馬徐行具陳迎

票肥曾補元明史略卷一

順帝

三十一

得母有重賢乎曰無有惟今早生一男明宗大喜因求為子并載其母歸斥開也謂充滿也鹵簿謂天子儀衛也

立之意帝幼且畏之一無所答燕帖木兒疑其意不可測故至京久不得立適太史亦言其立則天下亂用是議未能決遷延者數月燕帖木兒死太后乃與大臣定議立之且約後當傳于燕帖古思若武宗仁宗故事補以伯顏為太師右丞相撒敦太傅左丞相時有阿魯輝帖木兒者明宗親臣也言于帝曰天下事重宜委宰相決之庶可責其成功若躬自聽斷必負惡名帝然之由是深居宮中每事決於宰相補八月立

三年 二年

唐其勢父燕帖木兒劫眾立文宗獨相兩朝故曰我家天下

皇后伯牙吾氏后燕帖木兒之女補十月封撒敦榮王唐其勢襲封太平王唐其勢燕帖木兒子也燕帖木兒嘗平玉○二年正月朔雨血于汴梁著衣皆赤補五月撒敦罷六月復以為左丞相尋卒補三年六月唐其勢反時撒敦已死伯顏獨秉政唐其勢忿曰天下我家天下伯顏何人而位吾上遂與其叔父句容郡主答鄰答里潛蓄異心謀立諸主晃火帖木兒或發其謀唐其勢伏兵東郊率勇士突入宮伯顏及完者帖木兒等掩捕獲

票已曾補元明史略卷一

順帝

三十一人



元濫謂元員濫官也

至元元年

按唐肅宗襲高宗舊

復號上元

唐其勢誅之。其弟塔刺海走匿。皇后座下。后蔽之以衣。左右曳出。斬之。血濺后衣。伯顏奏並執后。后呼帝曰。陛下救我。帝曰。汝兄弟為逆。豈能相救。乃遷出宮。伯顏尋弑之于開平民舍。梟木帖木兒自殺。補九月。減宦者。御史臺臣言。國初宦官不過數十人。今內府執事不下千餘。乞依舊例裁減。元濫以廣仁愛之心。省糜費之患。從之。補十一月。詔改元。統三年。為至元元年。帝以世祖皇帝在位長久。欲祖述之。監察御史李好文言。年號襲舊於古。亦聞襲其名而不蹈其實。未見有益。因言時弊。不如至元者十餘事。不報。補至元三年正月。帝收于柳林。凡三十五日。補廣東朱光卿與其黨石昆山鍾大明聚眾反。稱大金國。改元赤符。河南棒胡亦舉兵反。補二月。定服色器皿輿馬之制。時服飾上下無別。帝初禁民間服麒麟鸞鳳白兔靈芝雙角五爪龍八龍九龍萬壽字赭黃等服。至是復詔定其制。尋禁倡優盛服及戴笠乘馬。○婺州路總管府以

三年

標肥曾補元明史卷一

順帝

三十一

論孟  
考證  
聖賢  
之心  
盡在  
四書

儒學  
理一  
而分  
殊  
聖人  
之道  
中而  
己  
為學  
若五  
味之  
在和

才說以補元明以出卷一

金華儒士金履祥所著論語孟子考證來上命  
刊行之其門人東陽許謙序之曰聖賢之心盡  
在四書而四書之義備於朱子顧其立言辭約  
意廣讀者或得其粗而不能悉究其義或以一  
偏之致自異而初不知未離其範圍世之誣訾  
質亂勢為新奇者其弊正在此耳此金先生考  
證之所由作也○十一月金華處士許謙卒初  
謾聞仁山金履祥講道蘭江上委已而學焉履  
祥告之曰吾儒之學理一而分殊理不患其不

所難者分殊耳謙由是致其辨於分之殊而  
要其歸於理之一又曰聖人之道中而已矣謙  
由是事事求夫中者而用之初履祥謂謙曰士之  
為學若五味之在和醯鹽既和則酸鹹頓變子  
來見我三日矣猶夫人也豈吾之學無以感發  
於子耶謙聞之惕然居數年盡得所傳之妙及  
履祥既歿謙益肆充闡多所自得自謂吾非有  
大過人惟為學之功無間斷耳平生制行甚嚴  
而所以應世不膠於古不流於俗介而不僑通

僑一作僑  
字彙僑音

標記曾補元明史略卷一

順帝

教以五人  
性人倫  
本倫為

五年

驕恣也。遜也。或曰。疑矯之訛。漢書。贏三。日糧。擔負。曰贏。韓子。原性。篇云。其所。以為性者。五。曰仁。曰禮。曰信。曰義。曰智。

而不隨屏跡入華山中學者翕然贏糧笥書而從譏之教人以五性人倫為本以開明心術變化氣質為先以為己為立心之要以分辨義利為處事之制情者作之銳者抑之拘者開之放者約之為師四十年隨其才分咸有所得補五年十一月詔以伯顏為大丞相伯顏既誅唐其勢獨秉國鈞專權自恣構陷郊土徹徹篤奏賜死帝未允輒傳旨殺之又奏貶宣讓王帖木兒不花威順王寬徹普化不俟命即遣之帝為之遂不平補六年二月伯顏所養弟之子脫脫見伯顏變亂成憲虐害天下漸有異謀深憂之私請於父馬札兒台曰伯父驕縱已甚萬一天子震怒則吾族亦矣曷若於未敗圖之其父亦以為然脫脫復質於師吳直方直方曰傳有之大義滅親大夫但知忠於國爾餘復何顧一日見帝乘間自陳忘家徇國之意帝未之信時帝左右皆伯顏之黨獨世傑班阿魯為帝腹心乃遣二人與脫脫游日以忠義之言相與往復辨論

字彙。空盡無物。曰未。大義滅親。見左傳。隱四年。

二人與脫脫游日以忠義之言相與往復辨論

景已曾補元明史卷一

順帝

益悉其心靡他遂聞于帝帝始信之一日泣語  
 脫脫脫脫亦泣下遂與世傑班等謀欲候伯顏  
 入朝擒之一日伯顏請帝出畋脫脫勸帝稱疾  
 不往伯顏固請乃命太子燕帖古思出次柳林  
 脫脫與世傑班阿魯合謀拘京城門鑰命所親  
 信列布城門下是夜奉帝居玉德殿遣怯薛月  
 可察兒率三十騎抵營中取太子入城數伯顏  
 罪狀出為河南行省左丞相伯顏奏乞陛辭不  
 許道出真定父老奉觴酒以進伯顏曰爾曹見

子殺父事乎對曰不曾見子殺父惟聞有臣弑  
 君伯顏俛首有慚色既而帝以伯顏罪重罰輕  
 復降詔安置南恩州陽春縣行次江西隆興驛  
 病死○六月撤文宗廟主徙太皇太后文宗於  
 東安州安置太子燕帖古思於高麗殺諸途詔  
 曰昔武宗外遇太后惑於儉慝俾皇考出封雲  
 南英宗遇害我皇考以武宗之嫡逃居沙漠宗  
 王大臣同心翊戴于時以地近先迎文宗暫總  
 機務繼知天理人倫所在假讓位之名以寶璽  
 來上皇考推誠不疑即立為皇太子而乃當躬  
 遜之際與其臣月魯不花也里牙明里董阿等  
 謀為不軌使我皇考飲恨上寶歸而再御宸極  
 至順元年又私圖傳子嫁禍于不沙皇后謂朕非明宗

票已曾補元月也各卷一

順帝

四十一

四月皇后弘吉刺氏  
致明宗皇后入不沙  
叔嬭謂叔父之妻也

之子出居遐陬上天不佑隨降極罰叔嬭不答  
失里怙其勢煇舍長嫡而立次幼奄復不年諸  
王大以臣以賢以長扶朕踐作賴天之靈權奸屏  
黜永惟鞠育罔極之恩忍念不共戴天之義其  
命太常撤去圖帖睦爾在嗣之主不答失里削  
太皇太后之號徙東安州安置燕帖古思故諸  
高麗當時賊臣月魯不花等已死其以明里董  
阿明正典刑時監察御史崔敬言文宗既撤廟  
主嬭母亦削鴻名盡考正名斯亦足矣惟念皇  
躬燕帖古思年幼播遷天理人情有所不忍方  
先皇上賓皇躬尚在襁褓未有知識義當於閔  
常人有百金之產尚置義田以次養宗族陛下  
富有四海乃以同氣之人置之度外貽笑他邦  
取辱中國儻生他變關係非輕臣願殺身以贖  
皇躬之非伏望陛下迎歸太后母子以盡骨肉  
之義其奏不報未幾太后崩于東安州燕帖古  
思遇害○處士吳萊卒直方萊不仕居深裏山

其樂

善論

作文

如用

兵

至正

元年

嶮嶮

進比

干圖

中夏音鳥山在金華清江縣窮經史以著述為務善論文嘗

云作文如用兵兵有正有奇正者法度如部伍

分明是也奇者不為法度所縛千變萬化坐作

擊刺一時俱起及其欲止部伍各還其隊元不

曾亂聞者服之○至正元年三月奎章閣學士

嶮嶮音侍經筵勸帝務學帝欲觀古名畫嶮嶮

取郭忠恕比干圖以進因言紂不聽諫遂亾其

國一日帝覽宋徽宗畫稱善嶮嶮進曰徽宗多

能惟一事不能帝問何一事對曰獨不能為君

票已增補元明史各卷一

順帝

四十一

三年 修宋 遼金 三史

太平 政要 策

六年

七年

朱公 遷道 德文 八年

宋元通鑑云初世祖立國史院首命王鶚

修遼金二史宋史又命史官通

修三史延祐天曆之間屢詔修

之以義例未定竟不

成至是命脫脫為都

總裁鐵水兒塔識張

起巖歐陽玄呂思誠

揚奚斯為總裁官修

之或欲如晉書例以

宋為世紀而遼金為

載紀或又以為不可

一時士論不決詔遼

金宋各為史

猶住山洞中者好則

人怒則獸

爾其身辱國破皆由不能為君也能為君則他

非所尚補三年三月詔修宋遼金三史命脫脫

為都總裁○十一月翰林學士揭傒斯卒後斯

豫章豐城人少貧讀書刻苦延祐初程鉅夫與

盧摯列薦于朝授翰林院編修文宗時嘗進太

平政要策拜直學士丞相脫脫問政治何先曰

儲材為先養之於譽望未隆之時用之於周密

庶務之後可也補六年十二月靖州瑤吳天保

作亂時湖廣瑤俱亂而天保勢尤熾寇陷黔陽

武岡渝浦諸郡縣有眾六萬餘廣西峒瑤亦乘

隙入寇七年七月以朱公遷為金華郡學正

公遷鄱陽人父梧岡翁聞同郡準軒吳中行得

聞朱子門人黃幹之學與廣信饒魯號雙往準

軒學焉於是大肆力於學道德文章卓然名世

所著有詩傳疏義行世補十月沿江兵起補八

年十月吳天保寇全道州○十一月台州方國

珍作亂聚眾海上○補國珍台州黃巖民也與蔡

劫掠漕運詔江浙參政朶兒只班討捕之追至

福州國珍知事危焚舟將遁官軍自相驚潰朶

票已曾補元月各卷一

順帝

四十一

虞集  
識學

試藝  
之文  
必先  
有主

意  
論海  
運

兒只班遂被執國珍迫其上招降之狀朝廷從之授國珍兄弟以官國珍不肯赴勢益猖獗

○翰林學士致仕虞集卒集宋丞相允文五世孫也嘗議學校曰今天下學官以資格授強加之諸生之上而欲望師道之立可乎為今之計莫若使守令求經明行修者身師尊之庶可以觀感而化矣其考進士試則語同列曰五經傳註各有主意將以一道德同風俗非欲使學者專門擅業如近代五經學究之固陋也試藝之文推其高者取之不必先有主意若主先定則求賢之心狹而差自此始矣其論海運糧曰東

南運糧資竭民力今京師東瀕海數千里北極遼海南瀕青齊萑葦之場也而海潮日至淤為沃壤宜用浙人之法築堤捍水為田聽富民欲官者合其眾分以地官定其畔以萬夫畊命為萬夫長以千夫畊命為千夫長三年而征其稅如是則東南民數萬可以衛京師可以防島夷可以省海運矣時異議者多事竟寢集學博洽而究極本源其經綸之妙一寓於文素孝友與

陶菴 邵菴

揚載 文章 以氣 為主

九年

類編楚漢 作漢魏 范范倬楊 楊載虞虞 集揭揭奚 斯 巨擘見孟 子大指也

瞻腹大腹 也見左傳 宜二年

成遵 論修 河

十年 十一年

穀梁傳曰 一穀不升 日歉

弟槃構書舍為二室左室書陶淵明詩於壁題

曰陶菴右室書邵堯夫詩於壁題曰邵菴故稱

集為邵菴先生○寧國府推官楊載卒載杭州

人以大臣薦為翰林編修遷寧國府推官載之

文章一以氣為主自成一家言而於詩尤有法

嘗語學者曰詩當取材於楚漢而音節以唐人

為宗范楊虞揭俱為一代文章之巨擘而載之

詩變宋季陋習尤居范虞揭之先者也○補九年

四月襄陽民張氏婦生子甫及周歲暴長四尺

許容貌異常瞻腹擁腫見人嬉笑如世俗所畫

布袋和尚云○補十年十二月方國珍攻温州○補

十一年四月黃河決丞相脫脫集羣臣廷議漕

運使賈魯曰必塞北河疏南河使復故道工部

尚書成遵以為河之故道斷不可復且曰山東

連歉民不聊生若聚二十萬眾於此地恐他日

之憂又有重於河患者脫脫先入魯言不聽自

辰至西論辨終莫能入明日執政謂遵曰修河

之役丞相意已定公勿多言遵曰脫可斷議不



水言坤

河南之下。脫北之字。易知錄注。隄岸曰埽。

河南北童謠

劉福通作亂

可易遂出遵河間鹽運使命魯開黃河故道發河南兵民十七萬興功凡五閱月諸埽堤成河復故道超授魯集賢大學士先是河南北童謠云石人一隻眼挑動黃河天下反及魯治河果於黃陵岡得石人一眼而汝穎之兵起宋濂曰往謂天下之亂皆由賈魯治河之役勞民動衆之所致殊不知元之所以所以者紀綱廢弛風俗偷薄其致亂之階非一朝一夕之故也使魯不與是役天下之亂詎無從而起乎五月穎州屬真定府妖人劉福通作亂以紅巾為號陷穎州初欒城韓山童祖父以白蓮會燒香惑衆至山童倡言天下大亂彌勒佛下生河南及江淮愚民翕然信之福通復妖言謂山童當為中國主欲同起兵作亂事覺縣官捕之急福通遂反山童就擒其妻楊氏及子韓林兒逃之武安

號下脫芝

徐壽輝妖衆術聚

補福通黨盛不可制攻破穎州遂據朱補蕭縣阜陷汝寧府及光息二州衆至十萬李二號麻李亦以燒香聚衆與其黨趙均用彭早住攻陷徐州據之○蘄州徐壽輝等以妖術聚衆反亦以紅巾為號陷蘄水縣及黃州僭稱帝國號天完改元治平補十月饒信等路兩季

票已增補元月各卷

順帝

四十六

年十二

脫脫  
州征徐

續通志卷之四十一

民多取食之。補十二年正月。徐壽輝兵破漢陽諸郡。威順王寬徹普化等棄城走。二月。破江州。總管李黼死之。補定遠郭子興見汝穎兵起。州郡騷動。遂與其黨孫德崖等舉兵。自稱元帥。攻拔濠州。據之。補三月。徐壽輝兵破袁瑞饒信徽等州。補命各行省分兵擊諸路作亂者。○八月。命知樞密院事岐嶠等從丞相脫脫征徐州。脫脫將出師。尚書密邇麻和謨等上言。大臣天子之股肱。中書庶政之根本。不可以一日離。乞詔留賢相。弼亮天工。如此則內外有兼治之宜。社稷有倚重之寄。不報。遂詔脫脫總制諸路軍馬。凡爵賞誅殺。悉聽。便宜從事。至徐州。攻其西門。破之。芝蔴李遁去。趙均用彭早住走濠州。追擒其將數十人。遂屠其城。補徐州既下。脫脫命賈魯追擊趙均用彭早住于濠州。均用與郭子興。徐德崖拒守。會魯死。兵解。早住均用遂據濠城。稱王子興等反。屈已下之。遂為所制。既而早住死。均用益自專。○十三年五月。泰州民張士誠

十三  
張士誠  
作

死。均用益自專。○十三年五月。泰州民張士誠

皇紀卷之四十一

順帝

四十一

牙僧謂居  
賣買中問

作亂補士誠泰州白駒場人為鹽場綱司牙僧與弟士德士信俱以取鹽緣為奸利性輕財好施頗得眾心陷泰州及高郵據之僭號大周自稱

誠王建元天祐補士誠淮南行省遣知府李齊招降被留久之賊酋自相殘始縱齊來歸士誠遂據高郵僭號已而有詔赦之使至不得入賊始言請李知府來乃受命齊使跪齊心曰吾膝如鐵豈為賊屈士誠怒使曳倒槌碎其膝而尚之○六月立子愛猷識理達臘為皇

太子補十月以方國珍為徽州路治中不受命

○十二月平章政事哈麻及妹塔秃魯帖木兒等陰進西番僧于帝行房中運氣之術號演揲

兒法演揲兒者漢言大喜樂也又進僧伽璘真善秘密法帝皆習之時帝在位久怠於政事荒于遊宴以宮

女一十六人按舞名為天魔舞首垂髮數辨戴象牙佛冠身披瓔珞木紅銷金長短裙襖各執

加巴刺般之器及宮女十一人練捷髻勒帕常服或用唐帽窄衫所奏樂用龍笛頭管小鼓箏

纂琵琶笙胡琴響板每宮中讚佛則按舞奏樂乃以西番僧為司徒伽璘真為國師各取良家女

三四奉之謂之供養嘗給帝曰陛下尊富不過保

之術

房中  
運氣

天魔  
舞

本紀襖上  
有金雜二

勒帕謂首  
帕也

頭管謂扇  
栗也

響板猶拍  
板也

讚佛誦經  
也

票已曾補元明史各卷

順帝

四十八

豈卽元該

內苑造龍舟

自製官漏

十四年

削脫官爵十五年

易知錄豈作皆也。音艾妨。

擊要云宮漏高六七尺廣坐之造水爲圓藏壺其中運水上下

置上設三聖殿置腰立王女。肝音吁。貽丑莫切。

有見世而已。人生能幾時。當受此秘密大喜樂禪。定於是廣娶女子。淫戲帝。諸弟寵臣皆在前相狎。男女裸處。號所處室曰豈卽元該。猶漢言事事無碍也。群僧出入禁中。無所禁止。醜穢外聞。帝又於內苑造龍船。首尾長一百二十尺。廣二十尺。上有五殿。龍身并殿宇。俱五采傘裝。日於後宮海子內。游戲船行。則龍首眼口爪尾皆動。又自製官漏。約高六七尺。爲木櫃。腰設玉女捧時刻籌。時至輒浮水上。而左右列一。金甲神人。一懸鍾。一懸鉦。夜則神人自能按更而擊。補十一月。郭子興患趙均用之專領所部萬人入據滁州城。稱王。補十四年。六月。張士誠攻揚州。破之。尋陷盱眙及泗州。○十一月。丞相脫脫督軍征高郵。連戰克捷。賊勢大蹙。平章政事哈麻素與脫脫有隙。使御史袁賽因木花劾脫脫出師。三月。略無寸功。傾國家之財。以爲己用。半朝廷之官。以爲己隨。詔削奪脫脫官爵。淮安安置。補十五年。正月。徐壽輝遣其將倪文俊破沔陽。○二月。劉福通等迎韓

票已曾捕心月各卷一

順帝

四一

明太祖起兵

十六

宋元通鑑云哈麻矯詔遣使賜

林兒立為宋帝號小明王建都亳州國號宋改元龍鳳補三月徐壽輝攻襄陽破之補四月以哈麻為左丞相其弟雪雪為御史大夫於是國家大柄盡歸兄弟矣補六月明太祖起兵自和州渡江取太平路自紅巾倡亂之後南州郡縣多陷沒故太祖從而取之補十一月荅失八都魯擊宋劉福通軍破之福通以其主韓林兒走安豐補十二月哈麻矯詔殺故中書右丞相脫脫于雲南補十六年正月哈麻雪雪有罪伏誅

宋元通鑑云不敢斥言淫褻事第曰哈麻謂陛下年老故耳元主大驚曰朕頭亦白齒未落遠謂我為老耶因罷哈麻

哈麻既相以前進西僧為天下士大夫笑為恥欲奉帝為太上皇立太子為帝告其父秃魯其妹聞之歸告其夫秃魯帖木兒時秃魯帖木兒專以淫褻媚帝恐太子為帝則已必先誅即以聞于帝帝大怒詔安置哈麻惠州雪雪肇州此行皆杖死人快之補徐壽輝據漢陽補二月張士誠入平江據之補三月明太祖帥水陸師克金陵入城召官吏耆老諭曰吾率眾至此為民除亂耳爾宜各安職業民大悅更相慶慰遂改

票已曾補元月各卷一

順帝

方國  
珍降

十七年

集慶路為應天府。分遣諸將取鎮江廣德皆下之。補方國珍降。命為海道漕運萬戶。補六月。彰德李實如黃瓜。先是童謠云。李生黃瓜。民皆無家。補十七年五月。明將徐達常遇春率兵攻寧國。久不下。太祖乃親督師。既至。守臣楊仲英開門請降。百戶張文貴殺其妻妾自刎而死。補八月。宋劉福通攻汴梁。遂分兵略地于山東西。其勢大振。補張士誠寇嘉興。屢為行省楊完者所敗。乃以書請降。許之。遂授士誠大尉。其弟士德

明玉  
珍據  
成都

團聚也。

禮記注。成均五帝大學之名。

歐陽  
玄文  
章道  
德名  
世

十八年

淮南平章。十二月。天完將明玉珍隨州人據成都。補蜀中郡縣皆附之。補詔天下團結義兵。補翰林學士承旨歐陽玄卒。玄性度雍容。含宏縝密。處已儉約。居官廉平。三任成均。兩為祭酒。六入翰林。三拜承旨。修實錄太典三史。皆大制作。凡制誥多出其手。文章道德卓然。名世。以湖廣行省右丞致仕。將歸。帝復留之。仍為承旨。天下已亂。卒京城寓舍。年八十五封楚國公。諡曰文。所著有圭齋集。

○十八年正月。天完將陳友諒陷安慶。補友諒沔陽漁

陳友諒陷安慶余闕死之

家子。嘗為書獄吏。不樂。會徐壽輝。倪文俊等起兵。慨然往從之。初為文俊簿書掾。未幾亦領兵。為元帥。文俊漸專恣。謀殺壽輝。不果。友諒遂襲殺文俊。併其軍。自稱平蕩壽輝不能制。守

將淮南行省右丞余闕死之。闕守孤城六年。寇至城下。輒敗去。至是友諒合諸寇來攻。羣盜四面蟻集。外無一甲之援。西門勢尤急。闕自當之。徒步提戈為士卒先。分麾下將督三門之兵。自以孤軍血戰。斬首無筭。而闕亦被十餘創。城陷。闕知不可為。引刀自剄。墮清水塘中。妻耶律氏及子德生。女安安。甥福童。皆赴井死。時從死者十餘人。其

宋元通鑑。塘中下有。死字。作妻耶律氏。安耶

下耶律氏。子德臣。錄云。易知錄曰。賊諸將曰。賊至當如何。搏霄曰。當以死報國。因拔劍督戰。賊突前。搏霄刺殺之。無血。惟見白氣冲天。

守臣韓建。左卧疾。罵賊。不屈。一家同死。雖大義感人之深。亦古今之所罕見者也。 補三

月。宋毛貴破濟南路。河南行省右丞董搏霄與戰死之。補毛貴由河間破薊州。遂逼畿甸。京師大恐。廷臣或勸帝北巡。以避之。或勸遷都關陝。眾議紛然。獨丞相太平力以為不可遷。遂徵四方兵入衛。同知樞密院事劉哈刺不花拒戰于柳林。貴眾潰退。走濟南。補四月。天完將陳友諒破龍興。補五月。宋劉福通攻汴梁。守將竹真出走。遂入據其城。乃自安豐迎其主韓林兒居之。

苗帥謂峒  
猺也

以為都<sup>補</sup>六月。宋將關先生兵破遼州遂大掠  
塞外諸郡<sup>補</sup>八月。蒙陰縣饑斗米金一斤<sup>補</sup>九  
月。張士誠殺苗帥楊完者先是江淮既亂議者  
以為苗兵可用遂自湖廣招至累破士誠兵苗  
性貪殘好殺所過屠戮士誠為所窘既降欲圖  
之而江浙丞相達識帖木邇亦厭完者驕橫乃  
陰定計用士誠兵圍之完者兵敗自殺其部將  
員成等率所部詣明將李文忠降完者死士誠  
益無所憚尋遣兵據杭州嘉興達識帖木邇無  
如之何矣<sup>補</sup>十二月。明太祖取務州改務州路

宋關  
先生  
兵破  
上都  
焚官  
闕

為寧越府<sup>補</sup>宋關先生兵破上都焚宮闕帝欲  
復修之工役大興參議中書省事陳祖仁上疏  
諫其畧曰今四海未靖瘡痍未瘳倉庫告虛財  
用將竭乃欲驅疲民以供大役廢其耕耨而荒  
其田畝何異扼其吭而奪之食以速其斃乎陛  
下追惟祖宗官闕念茲在茲然不思今日所當  
興復乃有大於此者願陛下以生養民力為本  
以恢復天下為務信賞必罰以驅策英雄親正



十九年

二十九年

才言此補元明史卷一

五十三

人遠邪佞以圖謀治道夫如是則承平之觀不日咸復詎止上郡宮闕而已乎疏奏帝嘉納之

補兩河山東民以饑疫死者凡二十餘萬補十九年四月趙均用殺宋毛貴其黨續繼祖執均用殺之補八月陝西平章政事察罕帖木兒復汴梁宋劉福通復以其主韓林兒走安豐補二十年二月右丞相太平罷先是太子謀內禪諭意太平太平不答太子惡之去其政柄知樞密院事紐的該聞之數於帝前左右之以故

陳友諒稱帝國號漢

古本其主作其偽主

太子之志未得逞太子又令御史誣太平所任用成遵趙中賊罪下獄杖殺之太平知勢不可留乃以病辭位養疾于家臺臣奏留之不允補三月以搠思監為右丞相時帝益厭政宦者朴不花用事為奸利搠思監因與結構相表裏四方警報將臣功狀皆壅不上聞卒召禍亂論者謂元之亡二人之罪居多○五月陳友諒殺其主徐壽輝於太平路遂自稱帝國號漢改元大義補先是友諒率舟師犯太平挾壽輝以行及太平既陷急謀階竊乃於承石舟中伴使人

標已首補元明史卷一

順帝

五十四

陽翟王犯京畿

黃壽輝前自事。令壯士持鐵搥。自後擊之。碎其首。壽輝死。友諒遂以承石。五通廟。為行殿。稱皇

帝 ○八月命大同大都督孛羅帖木兒守石嶺

關在太原城東北以北陝西平章政事察罕帖木兒守

石嶺關以南故為將相讐 ○十二月陽翟王阿魯

輝帖木兒擁兵數十萬犯京畿使來言曰祖宗

付汝以天下汝已失其大半若以國璽付我當

自為之帝遣報曰天命有在汝欲為則為之命

知樞密院事禿堅帖木兒等將兵擊之不克軍

士皆潰禿堅帖木兒走上都補陽翟王太子威里大

二十一年

王七世孫也時兵起四方朝廷屢詔宗王以兵討陽翟王知國事不可為兼間舉兵于北

邊補二十一年八月明太祖伐漢拔江州漢主

友諒走武昌補九月阿魯輝帖木兒兵逼上都

太子言於帝令以太平為留守實欲置之死地

阿魯輝部將脫驩者太平子也先忽都故將也

引兵縛阿魯輝至軍前太平不受送闕下誅之

太平終不以為己功補明玉珍破東川郡縣 ○

十一月朔黃河清凡三日補二十二年六月宋

降將田豐殺平章政事察罕帖木兒初察罕帖

二十二年

木兒復汴梁定河南復山東以田豐據山東久  
 軍民服之乃為書招之豐及王士誠皆降山東  
 俱平獨益都孤城不下至是移兵圍之大治攻  
 具諸道並進田豐復與王士誠陰謀刺殺察罕  
 叛入城事聞詔贈河南行省左丞相封潁川王  
 謚忠襄命其子擴廓帖木兒代總其兵擴廓既  
 領兵討賊誓必復讐而賊城守益固乃穴地通  
 道以入拔其城執賊首陳燧頭等二百餘人獻  
 闕下而取田豐王士誠之心以祭其父餘黨皆

三  
年十  
明王  
珍稱  
帝于  
成都

陳友  
諒敗  
死

就誅遂遣兵取莒州山東悉平補二十三年正  
 月明王珍稱帝于成都建國號曰夏改元天統  
 初王珍聞陳友諒弒徐壽輝謀欲討之整兵守  
 夔關不與相通復立廟以祀壽輝自稱龍蜀王  
 分兵克龍州至是遂稱帝補二月擴廓帖木兒  
 引兵還河南補張士誠將呂珍入安豐殺宋劉  
 福通等據其城明太祖率兵擊走之○七月明  
 太祖與漢陳友諒大戰于鄱陽湖友諒敗死補  
 九月張士誠自稱吳王先是士誠雖請降授官

而城池甲兵錢穀皆自據如故至是令其部屬  
 自頌功德求王爵不報士誠遂自立為吳王即  
 平江治宮室立官屬朝廷遣使徵糧于士誠士  
 誠不奉自是東南海運絕補十一月太子惡太  
 傅太平令人劾奏之安置土番尋遣使逼令自  
 裁補十二月宦者朴不花索驪內侍太子外結  
 右丞相搠思監驕恣不法治書侍御史陳祖仁  
 上疏諫之忤太子意祖仁復上疏言之極痛切  
 帝大怒時待御史李國鳳亦言二人當斥於是

二十四年

臺臣自老的沙以下皆左遷而出祖仁于甘肅  
 老的沙遂與秃堅帖木兒逃於孛羅帖木兒軍  
 中補二十四年三月右丞相搠思監徇太子旨  
 誣老的沙等不軌收其黨鍛鍊其獄連逮不已  
 帝知其無辜數諭太子寢其事太子不從搠思  
 監朴不花皆附太子必窮究其事又譖秃堅帖  
 木兒誣毀朝政而孛羅帖木兒與秃堅帖木兒  
 友善且知其誣遣人白其非罪太子怒下詔削  
 孛羅官爵而奪其兵孛羅拒命遂詔擴廓帖木

帖木兒舉兵向關

兒討之。孛羅知詔命，調遣搠思監所為非出帝意，遂舉兵向關。太子迎戰，不利，率侍衛兵東走興松。時京師無備，城中大震，令百官吏卒分守。使人即其軍問故，以必得搠思監朴不花為對。詔慰解之，不聽，乃執二人界之。遂復孛羅官爵，仍守禦大同，乃引軍還大同。既而太子還官，恚怒不已，發兵討孛羅。孛羅與禿堅老的沙復大舉，向關前鋒入居庸關。太子親禦敵，清河軍潰，奔冀寧。孛羅遂專國。補三月，太子在外，日夜謀

二十六年

除內難，乃大發諸路兵，分三道而進。孛羅大怒，自將拒戰，大敗。孛羅失軍，鬱鬱不樂，乃日與老的沙等飲宴，荒淫無度，喜怒不測。九月，威順王之子和尚，忿其屢舉兵犯關，無君言于帝，受密旨，結勇士陰圖刺之。老的沙禿堅帖木兒等皆伏誅。帝遣使函孛羅首，往冀寧，召太子還擴廓。帖木兒遂扈從至京師。補二十六年二月，黃河北徙，自東明曹濮及濟寧，民皆被害。補夏主明玉珍卒，子昇立。補四月，明太祖兵取淮安及湖

839  
4  
134

二七  
年十  
絳州  
天鼓  
鳴

二  
年十


楊誠州補元明史略卷一

五十六

州諸路補十二月。宋主韓林兒卒。補二十七年。正月。絳州天鼓鳴。其聲如空中戰鬪者。○九月。明兵取平江路。執吳王張士誠。補明太祖既掃除羣雄。撫有江南。乃遣大將軍徐達。副將軍常遇春。率兵二十五萬。北伐中原。補二十八年。正月。明太祖即帝位。閏七月。明師克大都。帝率后妃太子。北奔上都。元亡。

右元自世祖至元十六年巳卯。至順帝至正二十七年丁未。凡十世。八十九年而亡。

839  
4  
134






# Kodak Gray Scale



© Kodak, 2007 TM: Kodak

**A** 1 2 3 4 5 6 **M** 8 9 10 11 12 13 14 15 **B** 17 18 19



# Kodak Color Control Patches

© Kodak, 2007 TM: Kodak

Blue Cyan Green Yellow Red Magenta White 3/Color Black

